

Fritz

Ich ha am liebschte Schnägge.
Die schlymige, fyne, blotte, chlyne
Schnägge han ich gärn.
Ich tue'ne Chrüütli bringe
und Rägelieder singe,
tue gärn mit ihne schmuse,
wenn's anderi tued gruse.

Ich ha am liebschte Schnägge.
Die bruune, schlöderige, blutte, pflöderige
Schnägge han ich gärn.
Im Zimmer loh'ne sie frei.
Das git es grosses Gschrei,
denn s'Mami cha's nid verstoh,
tued alli useloh.

Nume mis Lieblingsschnäggli
chrücht z'fride übers Bäggli,
döruf bis zum Nasespitz seits:
Sali Fritz!